



www.BibleForChildren.org


उत्पत्ति 1




शुरु मा परमेश्वर सोरग
आरु धरती क बनायो।



धरती क बनावट नी हुती आरु
सुनली पड़तली हुती, आरु उन्डा
जळ क उपोर आंधारो हुतो; एने
परमेश्वर क आत्मा जळ क उपोर
मण्डरायतो हुतो।




ती परमेश्वर न कयो, “विजाळो होय,” ती विजाळो होय गोयो।
आरु परमेश्वर न विजाळा क दाहडो आरु आंधारा क रात कोयो। एने
सांतो हुयो आरु ओळतेन सोंदारो हुयो। ओस कोरीन पेहलो
दाहडो होय गोयो।



ओळतेन परमेश्वर कयो, पानीन वीच एक ओसो गाळो होय कि जळ
दुय वाटाम होय जाय। आरु परमेश्वर न हेका आकाश कोयो। एने सांतो
हयो ओळतेन भोर ह्यो। एने रीते दुसरु दाहडु होयु।



ओळतेन परमेश्वर न कयो, “वादळा क नेचो जळ एक जागा मा एकठो होय जाय आरु सुकली जागा देखा पोडे,” आरु ओसोत होय गोयो आरु परमेश्वर न सुकला जागाक कोळी कोयो, एने जो जळ एकठो हुयो ओको हुयो दोरिया कोयो; आरु परमेश्वर न देख्यो कि वारु छे।



ओळतेन परमेश्वर न कयो, “धोरती सि निळळो खोडो, एने बिजावाळा
नानला झाड आरु फोव आपन्या झाड वी जेनदरा बिजा हेना मा एक
एक जाती क ओनसारे रोहे कोळी
पोर उगे,” आरु होसोत हुय गोयो।
एने सांतो हुयो ओळतेन
सोंदारो हुयो। ओस कोरिन
तिसरो दाहडो होय गोयो।




ती परमेश्वर न दुय मोटला विजाळा बोनायो; हेनामा सी मोटलो
विजाळो क दिसु पोर राज कोरने क लिय, आरु नानला
विजाळा क रात पोर राज कोरने क लिय
बोनायो; आरु तारामन्दळीक बी बोनायो।
एने सांतो हुयो ओळतेन सोंदारो हुयो।
ओस कोरीन चोथो दाहडो हुय गोयो।



ओळतेन परमेश्वर न कयो, “जळ
जिवतला जिवो सी बेसको भोराय
जाय, आरु चिल्ला कोळी क उपोर
वादळा क गाळा मा उडे।”
एने सांतो हुयो ओळतेन सोंदारो
हुयो। ओस कोरीन पाचवो
दाहडु हुय गोयो।



ओळतेन परमेश्वर न कयो, “कोळी सी एक एक जाति क जिवतला जिवे, यानी घोरुन दुरे, आरु रेंगनेवाळा जिवे, आरु कोळी क जोंगली दुरे, जाति जातिन क ओनसारे पोयदा होये,” आरु ओसोत होय गोयो।




ओळतेन परमेश्वर न कयो “हामु मानुस क आपसा रुपो क ओनसारे आपने जोसा बोनावजे; आरु हुये दोरिया क माछा, आरु वादळा क चिल्ला आरु घोरपावन्या दुरो, आरु आखी कोळी पोर, आरु सब रेंगनेवाळा जिवो पोर जो कोळी पोर रेंगे छे, हुकुम राखे।”

ती परमेश्वर न जो काई बोनायो हुतो,
सब क देख्यो, ती काय देख्यो, कि
हुयो बेसको वारु छे। एने सांतो हुयो
ओळतेन सोंदारो हुयो। ओस
कोरीन छटवो दाहडो
होय गोयो।



ती योहोवा परमेश्वर न आदम क लीन अदन क वाड़ी मा मेक देदो, कि
हुयो हेरेम काम कोरे आरु वाड़ी क गुवाळी करे।



आरु योहोवा परमेश्वर न आदम
क यो हुकुम आप्यो, तु वाड़ी
क आखा झाड़ क फोव विगुर
निसंदेह खाय सोकतलु छे;
बाखुन वारु भुण्डान क गियान
क जो झाड़ छे, ओको फोव ती
कोदी झुनी खाय: काहकी जेने
दाहड़े तु हेना फोव क खाईस तेने
दाहड़े छाचीन मोर जाईस ओळी
योहोवा परमेश्वर न कयो,
“मानुसक एखलो रयनो वारु नी
हयस; हांव एरे जुगु एक ओसो
सहायक बोनावीस जो एरे सी मेळ
खाय।”



अतः आदम न सब जाति क घोरोन दुरो,
आरु वादळ क चिल्ला, आरु सब जाती
क बनेले दुरो क नाव पाड्यो; बाखुन
आदम क लिय कोय ओको सहायक नी
जोड्यो जो हेरे सी मेळ खाय सोके।



ति योहोवा परमेश्वर न आदम क भारी नींदो मा सुवाड़ देदो, आरु
जोत्यार हुयो सुय गोयो ती हुयो ओकी एक पासळी निकाळीन हेरे जागे
मास भोर देदो। आरु योहोवा परमेश्वर न ओकी पासळी क जो हुयो
आदम मासी निकाळ्यो हुतो,
बायर बोनाय देदो; आरु आदम
क पास ली आयो।



इने रिते मानुस आसी बासाक छुडीन आपसी
घोरवाळी सी मिलीन रोहसे, आरु हुये एकुत डील
बोनला रोहसे।



काहकि यहोवा-भगवान जगत साथे ओसलो
मोंग राखे कि उका आपनो एकखुळीयो पोच्य
आप दिदो, ताकि उका पर जु कुन विश्वास करे
त्यो नष्ट नी ह्यो, पुन अमरकाय
जीवन जडसे।



रोमियो 3:23 एरकरीन कि सब पाप करला छे आरू यहोवा-भगवानन महिमा छे,

रोमियो 6:23 काहकि पापन दाहाड़की ते मृत्यु छे, पुन यहोवा-भगवानन वरदान हामरा पोरबु मसीह ईशु मा अमरकाय जीवन छे।

इब्रानियों 9:27 आरू जोसो मानुस क करता एक बार मरना आरू अतरान करीन बाद न्याय क हुयने नियुक्त छे।

इफिसियो 2:8,9 काहकि विश्वास न लारे दया सी तुमरो छुटकारो होयलों छे, आरू यो तुमरे तरफ रयन नीहि, पर यहोवा भगवान क दान छे; आरू नी कामो क कारण, ओसो नी हुयो कि कोय डाहळाय करे

रोमियो 10:9,10 कि यदि तु आपना मुय रईन ईशु क पोरबु जानीन अंगीकर करे आरू आपने मन रईन विश्वास करे, कि यहोवा-भगवान उको मरलाम रईन जीवाड़े, ते तुखे नक्कि उधदार जुड़से। विश्वास करने से आपनु यहोवा-भगवान क साथे सही संबंध मा आवता छे, ते विश्वास करने से खुद मुय करीन कोतारलीन छुटकारो जुड़तो छे।



यहुन्ना 3:16,17 “काहकि यहोवा-भगवान जगत साथे ओसलो मोंग राखे
कि उका आपनो एकखुळीयो पोच्य आप दिदो, ताकि उका पर जु कुन
विश्वास करे त्यो नष्ट नी हुयो, पुन अमरकाय जीवन जड़से।
यहोवा-भगवान आपसा पोच्या काजे इनान करता नी मोकल्यु कि जगत पर
दण्डन हुकुम दे, पुन इनान करता कि जगत ओको व्दारा उध्दार जड़से।

1 यहुन्ना 5:11-13 आरू वो गवा यो छे कि यहोवा-भगवान ने हामु
अमरकाय जीवन आप्य छे, आरू यो जीवन ओका पोच्या मा छे।
ओका साथे पोच्य छे, ओका साथे जीवन छे; आरू ओका साथे
यहोवा-भगवान क पोच्य नी, ओका साथे जीवन भी नी छे।
हाव ने तुमू जो यहोवा-भगवान क पोच्या क नाव पर विश्वास करता होय,
एरकरीन लिख्या छे कि तुमू जानु कि अमरकाय जीवन तुमरो छे।



उत्पत्ति 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Dhankavi Bible (dhn) © The Word for the World International
and Dhankavi Mandli, Khargon, Raykhed, Nandurbar,
Maharashtra 2025

<https://www.bible.com/en-GB/bible/4055/MAT.1.DII25>

©2026 Bible for Children, Inc.

www.M1914.org

www.bibleforchildren.org

